

摛藻堂四庫全書薈要

集部

欽定四庫全書薈要

集部

御定全唐詩卷八百二十五

二至

詳校官原任主事臣李斯咏



欽定四庫全書蒼要卷一萬八千二百二十七

集部

御定全唐詩卷八百二十二

廣宣

廣宣姓廖氏蜀中人與劉禹錫最善元和長慶兩朝並  
為內供奉賜居安國寺紅樓院有紅樓集今存詩十七  
首編為一卷

皇太子頻賜存問并索唱和新詩因有陳謝

望苑招延賢

一作賢

後禪扉訪道餘祇言俟文雅何意及庸

虛率性多非學緣情偶自書清風聞寺響白日見心初

重道逢軒后崇儒過魏儲青宮列芳

一作梗

梓玄圃積瓊

琚鄭鼠寧容者齊竽久舍諸空懷受恩感念思幾躊躇

禁中法會應制

天上萬年枝人間不可窺道場三教會心地百王期待  
讀霑恩早傳香駐日遲在筵還向道通籍許言詩空媿  
陪仙列何階答聖慈從今精至理長願契無為

降誕日內庭獻壽應制

慶壽千齡遠敷仁萬國通登霄欣有路捧日媿無功仙  
駕三山上龍生二月中修齋長樂殿講道大明宮此地  
人難到諸天事不同法筵花散後空界滿香風

寺中柿樹一蒂四顆詠應制

珍木生竒畝低枝拂梵宮因開四界分本自百花中當  
夏陰涵綠臨秋色變紅君看藥草喻何減太陽功

早秋降誕日獻壽二首應制

秋冀開六葉元聖誕千年繞殿祥風起當空瑞日懸道

光中國主人識大羅仙敢贊無疆壽香花上法筵

萬方瞻聖日九土仰清光磬地山河壯彌天福壽長瑞

煙薰法界真偈啟仁人一作王看獻千秋樂千秋樂未央

駕幸天長寺應制

天駕宜春賞禪門不掩闌宸遊雙闕外僧引一作百花

間車馬喧長路煙雲淨遠山觀空復觀俗皇鑒此中間

九月菊花詠應制

一作清江詩

可訝東籬菊能知節候芳細枝青玉潤繁蘂碎金香爽

一作  
浮

氣浮

一作  
凝

朝露濃姿帶夜霜  
泛杯傳壽酒應共樂

時康

駕幸聖容院應制

大唐國裏千年聖王舍城中百億身却指容顏非我相  
自言空色是吾真深殿虔心隨寶輦廣庭徐步引金輪  
古來貴重緣親近狂客慙為侍從臣

聖恩顧問獨遊月磴閣直書其事應制

禪居河畔無多地來往尋春物正華  
磴道上盤千畝竹

欄干低壓

一作數

萬人家簷前施飯來飛鳥林下行香踏

落花自解剎那知佛性不勞更喻幾塵沙

安國寺隨駕幸興唐觀應制

東林何殿是西鄰禪客垣牆接羽人萬乘遊仙宗有道

三車引路本無塵初傳寶訣長生術已證金剛不壞身

兩地盡修天上事共瞻鑿駕

一作鸞鶴

重來巡

賀王起

一作賀王侍郎典貢放榜

從辭鳳閣掌絲綸便向青雲領貢賓再闢文場

一作章

無



枉路兩開金榜絕  
寬人眼看龍化門  
前水手放鶯飛谷  
口春明日定歸台  
席去鵲鷓原上共  
陶鈞

駕幸普濟寺應制

南方寶界幾由旬  
八部同瞻一佛身  
寺壓山河天宇靜  
樓懸日月鏡光新  
重城柳暗東風曙  
一作暖複道花明上

苑春向晚鑿輿歸  
鳳闕曲江池上動  
青蘋

紅樓院應制

一作沈  
佺期詩

紅樓疑見白毫光  
寺逼宸居福盛唐  
支遁愛山情謾切

曇摩泛海路空長  
經聲夜息聞天語  
鑪氣晨飄接御香  
誰道此中難可到  
自憐深院得徊翔

再入道場紀事應制

一作沈  
佺期詩

南方歸去再生天  
內殿今年異昔年  
見闕乾坤新定位  
看題日月更高懸  
行隨車一作香  
輦登仙路坐近爐  
煙講法筵自喜恩  
深陪侍從兩朝長  
在聖人前

寺中賞花應制

東風萬里送香來  
上界千花向日開  
却笑霞樓紫芝侶

桃源深洞訪仙才

九月十五日夜宿鄭尚書細東亭望月寄杜給

事

霜天晴

一作昨

夜宿東齋松竹交陰愜素懷迥出風塵心

得地可憐三五月當階清光滿院恩

一作思

情見寒色臨

門笑語諧霄漢路殊從道合往來人事不相乖

御定全唐詩卷八百二十二

欽定四庫全書薈要卷一萬八千二百二十八

集部

御定全唐詩卷八百二十三

舍曦

舍曦元和太和間長壽寺僧詩一首

酬盧仝見訪不遇題壁

一本無不遇題壁四字  
盧仝有訪舍曦上人詩

長壽寺石壁盧公一首詩渴讀

一作飲

即不渴饑讀

一作食

即不饑鯨吞海水盡露出珊瑚枝海神知貴不知價留  
向人間光照夜

善生

善生貞元時僧詩四首

旅中答喻軍事問客情

一自遊他國相逢少故人  
縱然為客樂爭似在家貧  
畜恨霜侵鬢撥詩病入神  
若非憐片善誰肯問風塵

贈盧逸人

高眠巖野間至藝敵應難  
詩苦無多首藥靈惟一丸  
引泉魚落釜攀果露沾冠  
已得嵇康趣逢迎事每闌

送玉禪師

飄然無定迹，迴與律乘違。入郭隨緣住，思山破夏歸。

夏過

不終謂之破夏孟擎數家飯，衲乞幾人衣。洞了曹溪旨，寧輸俗者機。

送智光之南值雨

結束衣囊了，炎州定去游。草堂方惜別，山雨為相留。又得一宵話，免生千里愁。莫辭重卜日，後會必經秋。

韜光

韜光蜀人卓錫靈隱之巢溝塢白居易守郡時題其堂  
曰法安詩一首

謝白樂天招

山僧野性好林泉每向巖阿倚石眠不解栽松陪玉勒  
誰能引水種金蓮白雲乍可來青嶂明月難教下碧天  
城市不能飛錫去恐妨鶯囀翠樓前

知玄

知玄字後覺姓陳氏眉州人僖宗時賜號悟達國師歌



詩二十餘卷今存詩三首

五歲詠花

花開滿樹紅花落萬枝空唯餘一孕在明日定隨風

祝堯詩

生天本自生天業未必求仙便得仙鶴背傾危龍背滑  
君王且住一千年

荅僧澈

觀君法苑思沖虛使我真乘刃有餘若使龍光時可待

應憐僧肇論成初五車外典知誰敵九趣多才恐不如  
蕭寺講軒橫淡蕩帝鄉雲樹正扶疎幾生曾得闍瑜意  
今日堪將貝葉書一振微言冠千古何人執卷問吾廬  
元孚

元孚宣城開元寺僧與許渾同時或曰楚中僧詩二首

月夜懷劉秀才

一作栖  
白詩

獨夜相思但自勞阮生吟罷夢雲濤此時小定未禪寂  
古塔月中松磬高

送李四校書

朱絲寫別鶴泠泠詩滿紅箋月滿庭莫學楚狂隳姓字  
知音還有子期聽

栖白

栖白越中僧前與姚合交後與李洞曹松相贈答宣宗  
朝嘗居薦福寺內供奉賜紫詩一卷今存十六首

邊思

西北黃雲暮聲聲畫角愁陰山一夜雨白草四郊秋亂

雁鳴寒渡飛沙入廢樓  
何時番色盡此地見芳洲

八月十五夜翫月

尋常三五夜不是不嬋娟  
及至中秋滿還勝別夜圓  
清光疑有露皓魄爽無煙  
自古人皆望年來又一年

尋山僧真勝上人不遇

松下禪栖所苔滋徑莫分  
青山春暮見流水夜深聞  
不坐看心石應隨出定雲  
猿猴非可問巖谷自空曛

贈李溟秀才

南居古廟深高樹宿山禽明月上清漢騷人動楚吟數  
篇正始韻一片補亡心孤悄欺何謝雲波不可尋

送石秀才

正是歎羈游知音拜楚侯何須辭遠道自可樂扁舟倚  
棹江洲雨聞猿島岫秋謝家山水興終日待詩流

送造微上人游五臺及禮本師

寒空金錫響欲過渭陽津極目多來雁孤城少故人與  
師雖別久於法本相親又對清涼月中宵語宿因

送禪師宗極歸玉峯

背郭去歸宿頭陀意頗濃  
鶴爭栖遠樹猿鬪上孤峯  
夜戍經霜月秋城過雨鐘  
由來無定止何處訪高蹤

送僧歸舊山

談空與破邪獻壽復榮家  
白日

一作百生

得何偈青天落幾

花傳燈皆有分化俗獨無涯  
却入中峯寺還知有聚沙

送圓仁三藏歸本國

家山臨晚日海路信歸橈  
樹滅渾無岸風生只有潮  
歲

窮程未盡天末國仍遙已入閩王夢香花境外邀

送王鍊師歸嵩嶽

飄然綠毛節杳去洛城端隔水見秋嶽兼霜掃石壇一  
溪松色古半夜鶴聲寒迴與人寰別勞生不可觀

壽昌節賦得紅雲表夏日

景候融融陰氣潛如峯雲共火相兼霞光捧日登天上  
丹彩乘風入殿簷行逐赤龍千歲出明當朱夏萬方瞻  
微臣多幸逢佳節得賦殊祥近御簾

經廢宮

終日河聲咽暮空  
煙愁此地畫濛濛  
錦帆東去沙侵苑  
玉輦西來樹滿宮  
魯客望津天欲雪  
朔鴻離岸葦生風  
那堪獨立思前事  
回首殘陽雉堞紅

贈識古法師

重城深寺講初休  
却憶家山訪舊游  
對月與君相送夜  
聞蛩教我獨驚秋  
雲心杳杳難為別  
鶴性蕭蕭不可留  
遙想孤舟清渭上  
飄然帆影起離愁



月夜懷劉秀才

一作元  
孚詩

獨夜相思但自勞  
阮生吟罷夢雲濤  
此時小定未禪寂  
古塔月中松磬高

寄南山景禪師

一度林前見遠公  
靜聞真語世情空  
至今寂寞禪心在  
任起桃花柳絮風

哭劉得仁

為愛詩名吟至死

一作此

風魂雪魄去難招  
直須桂子落

墳上生得一枝寬始消

應物

應物大中時江南詩僧也嘗與羅鄴唱酬作九華山記  
詩二首

龍潭

石激懸流雪滿灣五龍潛處野雲閒暫收雷電九峯下  
且飲溪潭一水間浪引浮槎依北岸波分曉日浸東山  
回瞻四面如看畫須信遊人不欲還

題化城寺

平高選處創蓮宮  
一水縈流處處通  
畫閣畫開遲日畔  
禪房夜掩碧雲中  
平川不見龍行雨  
幽谷遙聞虎嘯風  
偶與遊人論法要  
真元浩浩理無窮

智亮

智亮大中中閩開元寺僧嘗袒膊行乞號袒膊和尚詩  
二首

戴雲山吟

人間謾說上天梯上萬千迴總是迷曾似老人巖上坐  
清風明月與心齊

又

戴雲山頂白雲齊登頂方知世界低異草竒花人不識  
一池分作九條溪

良又

良又大中時僧詩一首

答盧鄴

一本題上有  
秋山二字

風泉祇一作只

向夢中聞身外無餘可寄君當戶一輪惟

曉月掛簷數片是秋雲

常達

常達字文舉俗姓顧發跡河陽大福山大中中居吳郡  
破山寺詩八首

山居八詠

身閒依祖寺志僻性多慵少室遺真旨層樓起暮鐘  
啜茶思好水對月數諸峯有問山中趣庭前是古松

晚望虛庭物心心見祖情煙開分嶽色雨霧減泉聲遠

樹猿長嘯層巖日乍明更堪論的意林下筍新生

一室塵埃外翛然祇麼常睡來開寢帳鐘動下禪牀溪  
浸山光冷秋凋木葉黃時提祖師意歌石看斜陽

西來真祖意祇在見聞中寒雁一聲過疎林幾葉空心  
閒憐水石身老怯霜風為報叅玄者山山月色同

真性絕無機塵塵祖佛師日明庭砌暖霜苦藥苗衰汲  
水和煙酌栽松帶雪移好聽玄旨處猿嘯嶺南枝

古寺凭欄危時聞舉妙機庭空月色淨夜迴磬聲移漏  
轉寒更急燈殘冷焰微太虛同萬象相謂話玄微

胡僧論的旨物物唱圓成疎柳春來翠幽窓日漸明禪  
心清石室蝶翅覆花英好聽談玄處喬松鶴數聲

祖祖唯心旨春融日正長霜輕莎草綠風細藥苗香月  
滿真如淨花開覺樹芳庭前鶯囀處時聽語圓常

僧鸞

僧鸞少有逸才不事拘檢謁薛能尚書以其顛率令之

出家後入京為文章供奉賜紫或云即鮮于鳳詩二首

苦熱行

燭龍銜火飛天地平陸無風海波沸彤雲疊疊聳竒峯

一作彤雲疊  
掛竒峯長

焰焰流光熱凝翠煙島搏鵬驪雙翅羲和

赫怒強總轡飲流夸父斃長途如見當中印王字明明  
夜西朝又東古來有道仍再中扶桑老葉蔽不得輝華

直欲

一作  
上

凌蒼空行

一作  
萬

人揮汗翻成雨口燥喉乾噉

塵土西郊雲色晝冥冥如何不救生靈苦何山怪木藏



蛟龍縮鱗卷鬣為乖慵不發滂澤注天下欲使風雷何  
所從旱苗原上枯成焰嶽靈徒祝無神驗豪家簾外喚  
清風水紋明角鋪長簾玉扇畫堂凝夜秋歌艷繞梁催  
莫愁陽烏落盡酒不醒扶上西園當月樓廢田竭死非  
吾屬庫有黃金倉有粟

贈李粲秀才

字輝  
用

隴西輝用真才子摻竒探險無倫比筆下銛磨巨闕鋒  
胸中靜灑西江水哀弦古樂清人耳月露激寒哭秋鬼

苔地無塵到曉吟杉松老葉風乾起十軸示余三百篇  
金碧爛光燒蜀牋雄芒逸氣測不得使我躑躅成狂顛  
大郊遠濶空無邊凝明淡綠收餘煙曠懷相對景何限  
落日亂峯青倚天又驚大舶帆高懸行濤劈浪凌飛仙  
回首瞥見五千仞撲下香爐瀑布泉何事古人誇八斗  
焉敢今朝定妍醜颯風驅雷暫不停始向場中稱大手  
駿如健鶻鴞與鷗拏雲獵野翻重霄狐狸竄伏不敢動  
却下雙鳴當迅颺愁如湘靈哭湘浦咽咽哀音隔雲霧

九嶷深翠轉巍峨仙骨寒消不知處清同野客敲越甌  
丁當急響涵清秋鸞雛相引叫未定霜結夜闌仍在樓  
高若太空露雲物片白激青皆彷彿仙鶴閒從淨碧飛  
巨鰲頭戴蓬萊出前輩歌詩惟翰林神仙老格何高深  
鞭馳造化繞筆轉燦爛不為酸苦吟夢乘明月清沈沈  
飛到天台天姥岑傾湖湧海數百字字字不朽長擬金  
此日多君可儔侶堆珠疊璣滿玄圃終日並轡遊崑崙  
十二樓中宴王母

神穎

神穎咸通中僧詩二首

和王季文題九華山

衆岳雄分野九華鎮南朝彩筆凝空遠崔嵬寄青霄龍  
潭古仙府靈藥今不凋瑩為滄海鏡煙霞作荒標造化  
心數竒性狀精氣饒玉樹鬱玲瓏天籟韻蕭寥寂寂尋  
乳竇兢兢行石橋通泉漱雲母藉草縈香茗我住一作  
幽且深君賞昏復朝稀逢發清唱片片霜凌颺

宿嚴陵釣臺

寒谷荒臺七里洲  
賢人永逐水東流  
獨猿叫斷青天月  
千古冥冥潭樹秋

澹交

澹交蘇州昭隱寺僧乾符中人也詩三首

效古

榮辱又榮辱  
一何翻與覆  
人生百歲中  
孰肯死前足  
玄鬢忽如絲  
青叢不再綠  
自古爭名徒  
黃金是誰祿

病後作

未得忘

一作亡

身法此身終未安病腸猶可洗瘦骨不禁

寒藥少心情

一作神

餌經無氣力看悠悠片雲質

一作下

獨

對

一作坐

夕陽殘

寫真

圖形期自見自見却傷神已是夢中夢更逢身外身  
水花凝幻質墨彩染一作聚空塵堪笑予兼爾俱為未了人

文秀

文秀江南僧居長安以文章應制與鄭谷善詩一首

端午

節分端午自

一作有

誰言萬古傳聞為屈原堪笑楚江空

渺渺

一作浩浩

不能洗得直臣冤

懷楚

懷楚唐末僧住安州白兆竺乾院詩二首

謝友人見訪留詩

軒車誰肯到泉石自相親暮雨凋殘寺秋風悵望人庭

新一片葉衣故

一作上

十年塵

一作春

賴有瑤華贈清吟愈

病身

送新平故人

常聽

一作遠得

倉庚思舊友又因蝴蝶夢生涯一千餘里河

連

一作邊

郭三十六峯寒到家陰島直分東號

一作曉

雁晴

樓高入上陽鴉姜嫄廟北與君別應笑薄寒悲落花

耽章

耽章俗姓黃莆田人出家于福州靈石嗣法洞宗慕曹



溪六祖乃名其山曰曹世以曹山稱之後住仰山詩一首

辭南平鍾王名

摧殘枯木倚寒林  
幾度逢春不變心  
樵客見之猶不採  
郢人何事苦搜尋

御定全唐詩卷八百二十三

欽定四庫全書蒼要卷一萬八千二百二十九

集部

御定全唐詩卷八百二十四

子蘭

子蘭昭宗朝文章供奉詩一卷

短歌行

日月何忙忙出沒住不得使我勇壯心少年如頃刻人  
生石火光通時少於塞四季條往還寒暑變為賊偷人  
面上花奪人頭上黑

飲馬長城窟

游客長城下飲馬長城窟馬嘶聞水腥為浸

泛一作

征人

骨豈不是流泉終不成潺湲

一本無此二句

洗盡骨上土不洗

骨中冤骨若比

一作不  
一作逐

流水四海有還魂

一本無此二字

空流

嗚咽聲聲中疑是一言

一作骨

夜直

大內隔重牆多聞樂未央燈明宮樹色茶煮禁泉香鳳  
輦通門靜雞歌入漏長宴榮陪御席話密近龍章吟步

彤庭月眠分玉署涼欲粘朱紱重頻草白麻忙筆力將  
羣吏人情在致唐萬方瞻仰處晨夕面吾皇

贈行脚僧

世界曾行遍全無行可修炎涼三衲共生死一身体片  
斷雲隨體稀疎雪滿頭此門無所著不肯暫淹留

秋日思舊山

咸言上國

一作天上

繁華豈謂帝城羈旅十點五點殘螢千

聲萬聲秋雨白雲江上故鄉月下風前吟處欲去不去

遲遲未展平生所佇

寄乾陵楊侍郎

冷落官資不畏貧  
司曹且共內官分  
步量野色成公案  
點檢樵聲入奏聞  
陵廟路因朝去掃  
御爐香每夜來焚  
碑寒樹古神門上  
管得無窮空白雲

登樓憶友

物象遠濛濛  
周迴極望中  
帶煙千井樹  
和磬一樓風  
月色寒沈地  
波聲夜颺空  
登臨無限趣  
恨不與君同

華嚴寺望樊州

萬木葉初紅人家樹色中  
疎鐘搖雨脚秋水浸雲容  
雪磧回寒雁村燈促夜春  
舊山歸未得生計欲何從

與道侶同於水陸寺會宿

論道窮一作同心少有朋  
此時清話昔年曾  
柿凋紅葉鋪

寒井鵠一作鵠陸霜毛著定  
僧風滯遠聲  
秋澗水竹穿深

色夜房燈出門盡是勞  
生者只此長閒幾箇能

城上吟

古塚密於草新墳侵官一作古道城外無閒地城中人又

老

襄陽曲

為憶南遊人移家大堤住千帆萬帆來盡過一作過盡門前

去

誠貪

多求待心足未足旋傾覆明知貪者心求榮不求辱

蟬二首



獨蟬初唱古槐枝  
委曲悲涼斷續遲  
雨後忽聞誰最苦  
異鄉孤館憶家時

衰柳蟬吟旁濁河  
正當殘日角聲和  
尋常不足一作是少

愁思此際聞時愁更多

太平坊尋裴郎中故宅

不語淒涼無限情  
荒堦行盡又重行  
昔年住此何人一作

此住人何在滿地一作空見槐花秋草生

登樓

邊邑鴻聲一例秋  
大波平日遶山流  
故人千里同明月  
盡夕無言空倚樓

長安早秋

風舞槐花落御溝  
終南山色入城秋  
門門走馬徵兵急  
公子笙歌醉玉樓

對雪

密密無聲墜碧空  
霏霏有韻舞微風  
幽人吟望搜辭處  
飄入窓來落硯中

鸚鵡

翠毛丹紫乍教時終日無寥似憶歸近來偷

一作倚

解人

言語亂向金籠說是非

晚景

池荷衰颯菊芬芳策杖吟詩上草堂  
滿目暮雲風卷盡  
郡樓寒角數聲長

長安傷春

霜隕中春花半無狂遊恣飲盡  
兇徒年年賞翫公卿輩

今委溝塍骨漸枯

河梁晚望二首

水勢滔滔不可量  
漁舟容易泛滄浪  
連山翠靄籠沙渚  
白鳥翩翩下夕陽

雨添一夜秋  
濤濶極目茫茫  
似接天不知  
龍物潛何處  
魚躍蛙鳴滿檻前

悲長安

何事天時禍未回  
生靈愁悴苦寒灰  
豈知萬頃繁華地

強半今為瓦礫堆

千葉石榴花

一朶花開千葉紅  
開時又不藉春風  
若教移在香閨畔  
定與佳人艷態同

觀碁

拂局盡消時能因  
長路遲點頭初得  
計格手待無疑寂  
默親遺景凝神入  
過思共藏多少意  
不語兩相知

御定全唐詩卷八百二十四

欽定四庫全書薈要卷一萬八千二百三十

集部

御定全唐詩卷八百二十五

可止

可止姓馬氏范陽房山人長近體律詩乾寧中賜紫後  
唐明宗令住持洛京長壽寺署號文智大師有三山集  
今存詩九首

山居

雪消春力展花漫洞門垂果長纖枝曲巖崩直道移重

猿圍淺井鬪鼠下疎籬寒食微燈在高風勢徹陂

贈樊川長老

一作清尚詩

瘦顏顴骨見滿面雪毫垂坐石鳥疑死出門人謂癡照  
身潭入楚浸影檜生隋太白曾經夏清風涼四肢

寄積麥山會如長老

默然如大道塵世不相關青檜行時靜白雲禪處閒貧  
高一生行病長十年顏夏滿期游寺尋山又下山

送僧



四海無拘繫行心興自濃百年三事衲萬里一枝筇夜  
減當晴影春消過雪蹤白雲深處去知宿在何峯

哭賈島

燕生松雪地蜀死葬山根詩僻降今古官卑誤子孫塚  
欄寒月色人哭苦吟魂墓雨滴碑字年年添蘚痕

雪十二韻

落處咸過尺條然物象淒瑞凝金殿上寒甚玉關西潤  
比江河普明將日月齊凌雲花頂膩鎖徑竹梢低出谷

樵童怯歸林野鳥迷煮茶融破練磨墨染成鬢陷兔埋  
平澤和魚凍合溪入樓消酒力當檻寫詩題道路依憑  
馬朝昏委託雞洞深猿作族松亞鶴移棲及夏清巖穴  
經春溜石梯豐年兼泰國天道育黔黎

精舍遇雨

空門寂寂淡吾身溪雨微微洗客塵臥向白雲情未盡  
任他黃鳥醉芳春

小雪

落雪臨風不厭看，更多還恐蔽林巖。  
愁人正在書窓下，一片飛來一片寒。

送婆羅門僧

雪嶺金河獨向東，吳山楚澤意無窮。  
如今白首鄉心盡，萬里歸程在夢中。

句

不知誰會喃喃語，必向王前報太平。

中山節度王處直  
座詠白鵲時諸侯

兼并王欲繼好息  
民故云高僧傳

雲表

雲表唐末於豫章講法華慈恩大疏法席稱盛詩一首

寒食日

寒食悲看郭外春野田無處不傷神平原纍纍

一作添

一作傷

新塚半

一作總

是去年來哭人

歸仁

歸仁唐末江南僧住京洛靈泉詩六首

自遣

日日為詩苦誰論春與秋一聯如得意萬事總忘憂  
雨墮花臨砌風吹竹近樓不吟頭也白任白此生頭

酬沈先輩卷

一百八十首清冷韻可敲任從人不愛終是我難拋  
桂魄吟來滿蒲團坐得凹先生聲價在寰宇幾人抄

題賈島吟詩臺

此臺如可廢此恨有誰平縱使迷青草終難沒舊名  
天悲朝雨色嶽哭夜猿聲不是心偏苦應闕自古情

悼羅隱

一著讒

一作謝

書未快心幾抽胸臆縱狂吟管中窺豹我

猶在海上釣鼇君也沈歲月盡能消憤懣寰區那更有  
知音長安冠蓋皆塗地仍喜先生葬碧岑

題楚廟

羞容難更返江東誰問從來百戰功天地有心歸道德  
山河無力為英雄蘆花尚認霜戈白海日猶思火陣紅  
也是男兒成敗事不煩惆悵對西風

牡丹

三春堪惜牡丹奇，半倚朱欄欲綻時。  
天下更無花勝此，人間偏得貴相宜。  
偷香黑蟻斜穿葉，覷蕊黃蜂倒挂枝。  
除却解禪心不動，算應狂殺五陵兒。

卿雲

卿雲唐末嶺南僧詩四首

舊國里

一作舊里

舊居梨

一作黎

嶺下風景近炎方，地暖生春早

一作草

家貧

覺歲長石房雲過濕杉

一作松

徑雨餘香日夕竟

一作久覺

無

事詩書聊自強

秋日江居閒詠

寄居江島邊閒詠見

一作幾

秋殘草白牛羊瘦

一作攬

風高

猿鳥寒檢方醫故疾挑薺備中餐時復停書卷鉏莎種

木蘭

長安言懷寄沈彬侍郎

故園梨

一作黎

嶺下歸路接天涯生作長安草勝為邊地



花雁南飛不到書  
北寄來賒堪羨  
神仙客青雲早致家  
送人游塞

去去玉關路  
省君曾未行  
塞深多伏寇  
時靜亦一作屯

兵雪每先秋  
降花嘗近夏  
生閒陪射鵰  
將應到受降城

隱巖

隱巖唐末匡廬僧詩五首

逢老人

路逢一老翁  
兩鬢白如雪  
一里二里行  
四回五回歇

牧童

牧童見人俱不識

一作會

盡著芒鞋戴箬笠朝陽未出衆

山晴露滴蓑衣猶半濕二月三月時平原草初綠三箇  
五箇騎羸牛前村後村來放牧笛聲繞一舉衆稚齊歌  
舞看看白日向西斜各自騎牛又歸去

蜀中送人游廬山

君游正值芳春月蜀道千山皆秀發溪邊十里五里花  
雲外三峯兩峯雪君上匡山我舊居松蘿拋擲十年餘

君行試到山前問山鳥只今相憶無

琴

七條絲上寄深意澗水松風生十指自乃知音猶尚稀  
欲教更入何人耳

浮橋

橫壓驚波防沒溺當初元叔是軍機行人到此全無滯  
一片江雲踏欲飛

泠然

冷然唐末僧詩一首

宿九華化成寺莊

佛寺孤莊千嶂間  
我來詩境強相關  
巖邊樹動猿下澗  
雲裏錫鳴僧上山  
松月影寒生碧落  
石泉聲亂噴潺湲  
明朝更躡層霄去  
誓共煙霞到老閒

大愚

大愚鄴都青蓮寺沙門詩一首

乞荆浩畫

六幅故牢健知君恣筆蹤不求千澗水止要兩株松樹  
下留盤石天邊縱遠峯近巖幽濕處惟藉墨煙濃

懷濬

懷濬秭歸郡僧詩二首

上歸州刺史代通狀二首

懷濬能逆知未兆之事東里人以神聖待

之刺史于公捕詰乃以詩通狀于異而釋之

家在閩山西復西其中歲歲有鶯啼如今不在鶯啼處  
鶯在舊時啼處啼

家在閩山東復東其中歲歲有花紅而一作如今不在花  
紅處花在舊時紅處紅

恒趙

恒趙姓馮氏范陽人居棣州開元寺終於後漢之乾祐  
詩一首

辭郡守李公恩命

虛著褐衣老浮杯道不成誓傳經論死不染利名生厭  
樹遮山色憐窓向月明他時隨范蠡一棹五湖清

淨顯

淨顯五代時洛陽首座沙門詩一首

題廣愛寺楞伽山

靈異不能棲鳥雀幽竒終不着猿猴為經巢賊應無損  
縱使秦驅也謾勞珍重昔賢留像迹陵遷谷變自堅牢

失二句

修雅

修雅唐法師詩一首

聞誦法華經歌

山色沈沈松煙冪冪空林之下盤陀之石石上有僧結  
跏橫膝誦白蓮經從旦至夕左之右之虎跡狼跡十片  
五片異花狼籍偶然相見未深相識知是古之人今之  
人是曇彥是曇翼我聞此經有深旨覺帝稱之有妙義  
合目冥心子細聽醍醐滴入焦腸裏佛之意兮祖之髓  
我之心兮經之旨可憐彈指及舉手不達目前今正是  
大矣哉甚竒特空王要使羣生得光輝一萬八千土土



土皆作黃金色四生六道一光中狂夫猶自問彌勒我  
亦當年學空寂一得無心便休息今日親聞誦此經始  
覺驢乘匪端的我亦當年不出戶不欲紅塵沾步武今  
日親聞誦此經始覺行行皆寶所我亦當年愛吟咏將  
謂冥搜亂神定今日親聞誦此經何妨筆硯資真性我  
亦當年狎兒戲將謂光陰半虛棄今日親聞誦此經始  
覺聚沙非小事我昔曾游山與水將謂他山非故里今  
日親聞誦此經始覺山河無寸地我昔心猿未調伏常

將金鎖虛拘束今日親聞誦此經始覺無物為拳拳師  
誦此經經一字字字爛嚼醍醐味醍醐之味珍且美不  
在脣不在齒只在勞生方寸裏師誦此經經一句句句  
白牛親動步白牛之步疾如風不在西不在東只在浮  
生日用中日用不知一何苦酒之腸飯之腑長者揚聲  
喚不迴何異聾何異瞽世人之耳非不聰耳聰特向經  
中聾世人之目非不明目明特向經中盲合聰不聰合  
明不明轆轤上下浪死虛生世人縱識師之音誰人能

識師之心世人縱識師之形誰人能識師之名師名醫  
王行佛令來與衆生治心病能使迷者醒狂者定垢者  
淨邪者正凡者聖如是則非但天恭敬人恭敬亦合龍  
讚詠鬼讚詠佛讚詠豈得背覺合塵之徒不稽首而歸  
命

元寂

元寂俗姓高居昇元寺保大中授左街僧錄內供奉賜  
紫坐飲酒狂歌落職後醉死於石子岡詩一首

歌

馬令書云寂日以狂歌為事大醉則十數小兒隨之行歌于路與羣兒互相應和旁若無

人

酒禿酒禿何榮何辱但見衣冠成古丘不見江河變陵

谷

若虛

若虛南唐僧隱廬山石室李主累徵不就詩三首

懷廬山舊隱

九疊嵯峨倚著天悔隨寒瀑下巖煙深秋猿鳥來心上

夜靜松杉到眼前  
書架想遭苔蘚裏  
石窓應被薜蘿纏  
一枝筇竹游江北  
不見爐峯二十年

樂仙

一作真 觀

樂氏騎龍上碧天  
東吳遺宅尚依然  
悟來大道無多事

真後丹元

一作經  
一作九

不值錢老樹夜風蟲  
咬葉古垣春雨

蘇生甄

一作壇

松傾鶴

一作馬

死桑田變

一作宅

華表歸鄉未

有年

古鏡

軒后紅

一作洪

爐獨鑄成蘇痕磨落月輪呈萬般物象皆

能鑿一箇人心不可明匣內乍開鸞鳳活臺前高挂鬼神驚百年肝膽堪將比祇怕看頻素髮生

文益

文益餘杭人姓魯住金陵清涼寺世稱法眼宗詩一首  
觀木平和尚

木平山裏人貌古年

一作言

復少相看陌路同論心秋月

皎懷

一作壞

衲線非蠶助歌聲有鳥城闕今日來一謳

一作

溫  
曾已曉

无則

无則五代時人為法眼文益禪師弟子詩三首

鷺鷥

白蘋紅蓼碧江涯  
日暖雙雙立睡時  
願揭金籠放歸去  
却隨沙鶴鬪輕絲

百舌鳥二首

千愁萬恨過花時  
似向春風怨別離  
若使衆禽俱解語

一生懷抱有誰知

長截鄰雞叫五更數般名字百般聲饒伊搥舌先知曉  
也待青天明即鳴

謙光

謙光金陵人素有才辨江南國主禮之詩一首

賞牡丹應教


擁衲對芳叢由來事不同鬢從今日白花似去年紅艷  
異隨朝露馨香逐曉風何須對零落然後始知空







御定全唐詩卷八百二十五



總校官庶吉士臣張能照

校對官編修臣閔惇大

騰錄監生臣吳魯田

欽定四庫全書薈要

集部

御定全唐詩卷八百二十八

六至

詳校官原任主事<sub>臣</sub>李斯咏



欽定四庫全書蒼要卷一萬八千二百三十一

集部

御定全唐詩卷八百二十六

貫休

貫休字德隱俗姓姜氏蘭谿人七歲出家日讀經書千  
字過目不忘既精奧義詩亦奇險兼工書畫初為吳越

錢鏐所重後謁成汭荆南汭欲授書法休曰須登壇乃  
授汭怒遣放之黔天復中入益州王建禮遇之署號禪  
月大師或呼為得得來和尚終於蜀年八十一初有西

嶽集吳融為序極稱之後弟子曇域更名寶月集其全集三十卷已亡胡震亨謂宋睦州刻本多載他人詩不足信其說亦不知何據胡存詩僅三卷今編十二卷

善哉行

傷古曲  
無知音

有美一人兮婉如青揚識曲別音兮令姿煌煌繡袂捧琴兮登君子堂如彼萱草兮使我憂忘欲贈之以紫玉尺白銀鐺久不見之兮湘水茫茫

讀離騷經

湘江濱湘江濱蘭紅芷白波如銀終須一去呼湘君問  
相神雲中君不知何以交靈均我恐湘江之魚兮死後  
盡為人曾食靈均之肉兮箇箇為忠臣又想靈均之骨  
兮終不曲千年波底色如玉誰能入水少取得香沐函  
題貢上國貢上國即全勝和璞懸瓊垂棘結綠

陽春曲

江東廣  
明初作

為口莫學阮嗣宗不言是非非至公為手須似朱雲輩  
折檻英風至今在男兒結髮事君親須數前賢多慷慨

歷數雍熙房與杜魏公姚公宋開府盡向天上仙宮閑  
處坐何不却辭上帝下下土恐見蒼生苦苦苦

白雪曲

列鼎佩金章淚眼看風枝却思食藜藿身作屠沽兒負  
米無遠近所希升斗歸為人無貴賤莫學雞狗肥斯言  
如不忘別更無光輝斯言如或忘即安用人為

上留田

父不父兄不兄上留田蝥賊生徒陟岡淚崢嶸我欲使



諸凡鳥雀盡變為鵲鴿我欲使諸凡草木盡變為田荆  
鄰人歌鄰人歌古風清清風生

胡無人

一本有  
行字

霍嫖姚趙充國天子將之平朔漠肉胡之肉燼胡帳幄  
千里萬里唯留胡之空殼邊風蕭蕭榆葉初落殺氣晝  
赤枯骨夜哭將軍既立殊勲遂有胡無人曲我聞之天  
子富有四海德被無垠但令一物得所八表來賓亦何  
必令彼胡無人

苦寒行

北風北風職何嚴毒摧壯士心縮金烏足凍雲囂囂礙  
雪一片下不得聲遠枯桑根在沙塞黃河徹底頑直到  
海一氣搏束萬物無態唯有吾庭前杉松樹枝枝健  
在

蒿里

一本有  
曲字

兔不遲烏更急但恐穆王八駿著鞭不及所以蒿里墳  
出叢叢氣凌雲天龍騰鳳集盡為風消土喫狐掇蟻拾

黃金不啼玉不泣白楊騷屑亂風愁月折碑石人莽穢  
榛沒牛羊窳窳時見牧童兒弄枯骨

臨高臺

涼風吹遠念使我升高臺寧知數片雲不是舊山來故  
人天一涯久客殊未回鴈來不得書空寄聲哀哀

杞梁妻

秦之無道兮四海枯築長城兮遮北胡築人築土一萬  
里杞梁貞婦啼嗚嗚上無父兮中無夫下無子兮孤復

孤一號城崩塞色苦再號杞梁骨出土疲魂飢魄相逐  
歸陌上少年莫相非

古離別

離恨如旨酒古今飲皆醉只恐長江水盡是兒女淚伊  
余非此輩送人空把臂他日再相逢清風動天地

戰城南二首

萬里桑乾傍茫茫古蕃壤將軍貌憔悴撫劍悲年長胡  
兵尚陵逼久住亦非強邯鄲少年輩箇箇有伎倆拖槍

半夜去雪片大如掌

磧中有陰兵戰馬時驚蹶輕猛李陵心摧殘蘇武節黃  
金鎖子甲風吹色如鐵十載不封侯茫茫向誰說

少年行

紀事作公子行一本後二首作公子行  
休入蜀王建遇之甚厚一日召令誦

近詩時貴戚皆坐休欲諷之乃  
稱公子行建善之貴倖皆怨之

錦衣鮮華手擎鷓閑行氣貌多輕忽稼穡艱難總不知

五帝三皇

一作王

是何物

自拳五色裘迸入他人宅却捉蒼頭奴玉鞭打一百

面白如削玉猖狂曲江曲馬上黃金鞍適來新賭得

夢遊仙四首

夢到海中山入箇白銀宅逢見一道士稱是李八伯  
三四仙女兒身著瑟瑟衣手把明月珠打落金色梨  
車渠地無塵行至瑤池濱森森椿樹下白龍來嗅人  
宮殿崢嶸籠紫氣金渠玉砂五色水守閤仙婢相倚睡  
偷摘蟠桃幾倒地

輕薄篇二首

繡林錦野春態相壓誰家少年馬蹄躡躡鬪雞走狗夜  
不歸一擲賭却如花妾誰云一作惟言不顛不狂其名不彰  
悲夫

木落蕭蕭蟲

一作  
蛩

鳴唧唧不覺朱萋臉紅霜劫鬢漆世

途多事泣向秋日方今少壯不努力老大徒傷悲如何

### 長安道

憧憧合合八表一轍黃塵霧合車馬火熱名湯風雨利  
輾霜雪千車萬馱半宿關月上有堯禹下有夔高紫氣

銀輪兮

一本無  
兮字

常覆金闕仙掌捧日兮

一本無  
兮字

濁河澄

澈愚將草木兮有言

一本作有  
言有言

與華封人兮不別

一本  
作不

別不

### 洛陽塵

昔時昔時洛城人今作茫茫洛城塵我聞富有石季倫  
樓臺五色干星辰樂如天樂日夜聞錦姝繡妾何紛紛  
真珠簾中姑射神人文金線玉香成暮雲孫秀若不殺  
晉室應更貧伊水削行路塚石花磷磷蒼茫金谷園牛



羊齧荆榛飛鳥好羽毛疑是綠珠身

富貴曲二首

有金張族驕奢相續瓊樹玉堂雕牆繡轂紈綺雜雜鍾  
鼓合合美人如白牡丹花半日只舞得一曲樂不樂足  
不足爭教他愛山青水綠

如神若仙似蘭同雪樂戒于極胡不知輟只欲更綴上  
落花恨不能把住明月太山肉盡東海酒竭佳人醉唱  
敲玉釵折寧知耘田車水翁日日炙背欲裂

野田黃雀行

高樹風多吹爾巢  
落深蒿葉暖宜爾  
依泊莫近鴉類蛛  
網亦惡飲野田之  
清水食野田之黃  
粟深花中睡埽土  
裏浴如此即全勝  
啄太倉之穀而更  
穿人之屋

古意九首

一雨火雲盡閉門  
心冥冥蘭花與芙  
蓉滿院同芳馨佳  
人天一涯好鳥何  
嚶嚶

一作  
嚶鳴

我有雙白鸞不羨于虞卿

我有徑寸珠別是天地精  
玩之室生白瀟洒身安輕  
只

應天上人見我雙眼明

陽鳥爍萬物草木懷春思茫茫塵土飛培壅名利根我  
本是蓑笠幼知天子尊學為毛氏詩亦多直致言不慕

需臠

一作  
蠕蠕

類附勢同崩奔唯尋桃李蹊去去長者門

美人如遊龍被服金鴛鴦手把古刀尺在彼白玉堂文  
章深掣曳珂珮鳴丁當好風吹桃花片片落銀床何妨

學

一作  
常舉

羽翰遠逐朱鳥翔

乾坤有清氣散入詩人脾聖賢遺清風不在惡木枝干

人萬人中一人兩人知憶在東溪日  
花開葉落時幾一作  
我擬以黃金鑄作鍾子期

莫輕白雲白不與風雨會莫見守羊兒  
或是初平輩人  
生非日月光輝豈常在一榮與一辱  
古今一作常相對

君一本無君字不見于公門子孫好冠蓋

古交如真金百煉色不回今交如暴流  
倏忽生塵埃我  
願君子氣散為青松我恐荆棘花  
只為小人開傷心  
復傷心吟上高高臺

常思謝康樂文章有神力是何清風清凜然似相識一  
種為頑噐得作翻經石一種為枯槁得作登山屐永嘉  
為郡後山水添鮮碧何當學羽翰一去觀遺跡

常思李太白仙筆驅造化玄宗致之七寶床虎殿龍樓  
無不可一朝力士脫靴後玉上青蠅生一箇紫皇殿前  
五色麟忽然掣斷黃金鎖五湖大浪如銀山滿船載酒  
搗鼓過賀老成異物顛狂誰敢和寧知江邊墳不是猶  
醉臥

憶在山中時丹桂花歲蕤紅泉浸瑤草白日

一作日夕

生華

滋茗屋開地鑪翠墻挂藤衣看經竹窗邊白猿三兩

一作

四枝東峰有老人眼碧頭骨竒種薤煮白石肯趣如嬰

兒月上來打門月落方始歸授我微妙訣恬澹

一作然

無

所為別來六七年只恐白日飛

酷吏詞

唐末寇亂休避地渚宮荆帥高氏優待之館于龍興寺會有謁宿話時政不治

乃作酷吏

詞以刺之

霰雨瀟瀟風吼如斲有叟有叟暮投我宿吁歎自語云

太守酷如何如何掠脂幹肉吳姬唱一曲等閒破紅束  
韓娥唱一曲錦段鮮照屋寧知一曲兩曲謔曾使千人  
萬人哭不惟哭亦白其頭飢其族所以祥風不來和氣

一作風

不復蝗乎

一作兮

蟹乎

一作兮

東西南北

### 還舉人歌行卷

厚於鐵圍山上鐵薄似雙成仙體纈蜀機鳳雛動蹙蹙  
珊瑚枝枝撐著月王愷家中藏難掘顏回飢僂愁天雪  
古松直筆雷不折雪衣女啄蟠桃缺珮入龍宮步遲遲

繡簾銀殿向參差即不知  
驪龍失珠知不知

陳宮詞

緬想當時宮闕盛  
荒冥椒房憺堯聖  
玉樹花歌百花裏  
珊瑚窗中海日迸  
大臣來朝酒未醒  
酒醒忠諫多不聽  
陳宮因此成野田  
耕人犁破宮人鏡

擬齊梁酬所知見贈二首

靜只焚香坐詠懷  
悲歲闌佳人忽有贈  
滿手紅琅玕不  
獨耀肌魄將行為  
羽翰酬如上青天  
風雪空漫漫



美如仙鼎金清如織手琴孫登嘯一聲縹緲不可尋但  
覺神洋洋如入三昧林釋手復在手古意深復深慚無  
英瓊瑤何以酬知音

經古戰場

茫茫凶荒迴如天設駐馬四顧氣候迂結秋空崢嶸黃  
日將沒多少行人白日見物莫道路高低盡是戰骨莫  
見地赤碧盡是征血昔人昔人既能忠盡于力身糜戈  
戟脂其風膏其域今人何不繩其塍植其食而使空曠

年年常貯愁煙使我至此不能無言

村行遇獵

獵師紛紛走榛莽女亦相隨把弓矢南北東西盡殺心  
斷燒殘雲在圍裏鷓鴣拂荒田兔成血竿打黃茅雉驚起  
傷嗟箇輩亦是人一生將此關身已我聞天地之大德  
曰生又聞萬事皆天意何遣此人又如此猶更願天公  
一丈雪深山麋鹿盡凍死

漁家

赤蘆葢屋低壓恰沙漲柴門水痕疊黃雞青天花蒙籠  
漁女漁兒掃風葉有叟相逢帶秋醉自拔船樁色無媿  
前山脚下得魚多惡浪堆中盡頭睡但得忘筌心自樂  
肯羨前賢釣清渭終須畫取挂秋堂與爾為鄰有深意

田家作

田家老翁無可作晝甑蒸梨香漠漠只向堦前曝背眠  
赤桑大葉時時落古塹侵門桃竹密倉囤峨峨欲遮

一作

蔽  
日自云孫子解耕耘四五年來腹多實我聞此語心

自悲世上悠悠豈得知稼而不穡徒爾為

江邊祠

松森森江渾渾江邊古祠空閉門精靈應醉社日酒白  
龜咬斷菖蒲根花殘冷紅宿雨滴土龍甲濕鬼眼赤天  
符早晚下空碧昨夜前村行霹靂

苦熱寄赤松道者

天雲如燒人如炙天地鑪中更何適蟬喘雷乾冰井融  
些子清風有何益守羊真人睡之後高吟招隱倚碧壁

紫氣紅煙鮮的的澗茗園瓜麴塵色驕冷奢涼合相憶  
偶作二首  
新詩一千首古錦初下機除月與鬼神別未有人知子  
期去不返浩浩良不悲不知天地間知者復是誰

門前數枝路路車馬鳴名埃與利塵千里萬里行只  
見青山高豈見青山平朱門勢峨峨冠蓋何光明黃鳥  
在花裏青蟬奪其聲爾生非金玉豈常貴復貞寄言之  
子心可以歸無形

夜一作秋夜曲

蟋蟀切切風騷騷芙蓉噴香蟾蜍高孤燈耿耿征婦勞  
更深撲落金錯刀

春晚書山家

一本有主人二字

屋壁二首

柴門寂寂黍飯馨山家煙火春雨晴庭花濛濛水泠泠  
小兒啼索樹上鶯

水一作棧

香塘黑蒲森森鴛鴦瀟瀟如家禽前村後壟桑

柘深東鄰西舍無相侵蠶娘洗蠶前溪淥牧童吹笛和

衣浴山翁留我宿又宿笑指西坡瓜豆熟

春晚閒居寄陳嵩伯

春霖閉門久春色聚庭木一夢辭舊山四鄰有新哭菰  
蒲生白水風篁擢纖玉為憶湖上翁花時獨冥目

長持經僧

嘵嘵長夜坐嘵嘵早起杉森森不見長人聲續續如流  
水掄金掙玉吐宮嚙微頭低草木手合神鬼日消三兩

黃金爭得止

佛言常持經者可日食三兩金

而槁木朽枝一食而已傷

嗟浮世之人善事不曾入耳

茫茫曲

茫茫復茫茫滿眼皆埃塵莫言白髮多莖莖是愁筋未  
達苦雕偽及達多不仁淺深與高低盡能生棘榛茫茫  
四大愁殺人

古鏡詞上劉侍郎

至寶不自寶照古還照今仙人手胼胝寥泖秋沈沈不  
是十二面不是百煉金若非八彩眉不可輒照臨即歸



玉案頭為君整冠簪即居吾君手照出天下心恭聞太  
宗朝此鏡當宸襟六合懸清光萬里無塵侵此鏡今又  
出天地還得一

送姜道士歸南岳

缺二字

松品落落雪格索索眼有三角頭峭五岳若不居岳此  
處難著藥僮貌蠻名鄙彼葫蘆酒滿擔劣起萬里長風  
嘯一聲九貞須拍黃金几落葉蕭蕭香送師言了  
意未了意未了他時為我致取一部音聲鳥

了仙謠

海中紫霧蓬萊島安期子喬去何早遊戲多騎白騏驎  
鬚髮如銀未曾老亦留仙訣在人間齧鏃終言藥非道  
始皇不得此深旨遠遣徐福生憂惱紫朮黃精心上苗  
大還小還行中寶若師方術棄心師浪似雪山何處討

御定全唐詩卷八百二十六

欽定四庫全書蒼要卷一萬八千二百三十二

集部

御定全唐詩卷八百二十七

貫休

循吏曲上王使君

需宿需宿炳爛光合蒸蒸婺民鍾此多福自東自西自  
南自北伊飛伊走乳乳良牧和氣無形春光自成大信  
不信貽厥無朕需女需女爾亦須語使君為理玄風震  
古需女需女爾亦須語我願喙長三千里枕著玉階奏

明主

古鏡詞

我有一面鏡新磨似秋月上唯金膏香下狀驪龍窟等  
閒不欲開醜者多不悅或問幾千年軒轅手中物

懷張為周朴

張周二夫子詩好人太癖更不過嶺來如今頭盡白人  
傳禹力不到處河聲流向西周又到處即閉戶逢君方  
展張看不知是不是若是即大奇我又聞二公心與人

不同一生常在寂寞中有時狂吟入僧宅錦囊烏啼荔  
枝紅有時冥搜海山腦珊瑚枝動日杲杲聖君在上知  
不知赤面濁醪許多好

題弘顛三藏院

儀清態淡雕瓊瓌捲簾瀟灑無塵埃嶽茶如乳庭花開  
信心弟子時時來灌頂壇巖伸囑塞三十年功苦拘束  
梵僧夢裏授微言雪嶺白牛力深得

師曾受神僧  
真言於夢中

水精

一索香一爐紅蓮花舌生醍醐初聽喉音寶樓閣如聞

魔王宮殿拉

掠一作

金瓦落次聽妙音大隨求更覺人間

萬事深悠悠四音俱作清且柔愛河濁浪却倒流却倒  
流兮無處去碧海含空日初曙

古意代友人投所知

青松雖有花有花不如無貧井泉雖清且無金轆轤客  
從遠方來遺我古銅鏡挂之玉堂上如對軒轅聖天寵  
睡坤腹土蝕金鬣綠因知燕趙佳人顏似玉不得此鏡

終不

缺一字

聞知已入翰林

天驥頭似鳥儵忽  
四天下南金色如  
樵入火不見火吾  
交二名士遽立于  
帝左鳳姿既出世  
大意囑在我奇哉  
子淵頌無可無不  
可

上襄大夫二首

我有一端綺花彩  
鸞鳳羣佳人金錯  
刀何以裁此文

我有白雲琴樸斲  
天地精俚耳不使  
聞慮同衆樂聽指  
指法仙法

應作指

聲聲聖人聲一彈  
四時和再彈中古  
清

庭前梧桐枝颯颯南風生還希師曠懷見我心不輕

上劉商州

周邵吁噓氣結為禎祥雲客從遠方來持此將贈君時  
命偶不謬授館終南東愔愔良吏師不寐如老農丘軻  
文之天代天有餘功代天后稷何所從

閒居擬齊梁四首

夜雨山草滋爽籟生古木閒吟竹仙倡清於爵金玉蟋  
蟀啼壞牆苟免悲局促道人優曇花迢迢遠山綠



果熟無低枝，芳香入屏帷。故人久不來，萱草何離離。苦  
吟齋貌減，更被杉風吹。獨賴湖上翁，時為烹露葵。

紅藕暎嘉飴，澄池照孤坐。池痕放文彩，雨氣增慵憤。山  
翁寄朮藥，幸得秋病可。終召十七人，雲中備香火。

清氣生滄洲，殘雲落林藪。放鶴久不歸，不知更歸否。支  
策到江湄，江臯木葉飛。自憐為客遠，還如鵲遶枝。南枝  
復北枝，玉露沾毛衣。

塞上曲二首

錦袷胡兒黑如漆騎羊上冰如箭疾蒲萄酒白雕腊紅  
首着根甜沙鼠出單于右臂何須斷天子昭昭本如日  
一握鬢髯一握絲須知只為平戎術

去年轉鬪陰山脚生得單于却放却今年深入于不毛  
胡兵拔帳遺弓刀男兒須一作展平生志為國輸忠合

天地甲穿雖即一作失黃金劔缺猶能生紫氣塞草萋

萋兵士苦胡虜如今勿胡虜封侯十萬始無心玉關凱一作

生  
入君看取

擬齊梁體寄馮使君三首

庭鳥多好音相呼灌木中竹房更何有還如鳥巢空  
賴逢富人侯真東晉謝公煌煌發令姿珂珮鳴丁冬故山  
有深霞未如旌旗紅慚非衛霍松何以當清風

露益蟬聲長蕙蘭垂紫帶清吟待明月孤雲忽為蓋伊  
余石林人本是燒畬輩頻接謝公棊輸多未曾賽

大道貴無心聖賢為始慕秋空共澄潔美玉同貞素偉  
哉桐江守唯黃出金口為文能廢興談道弭空有雪林

槁枯者坐石聽亦久還疑紫磨身成居靈運後

書匡山老僧菴

篔簹紅實好鳥語銀髯瘦僧貌如祖香煙濛濛衣上聚  
冥心縹緲一作渺渺入鐵圍白磨作夢枕藤屨東峯山媪貢

瓜乳

讀顧況歌行

雪泥露金冰滴瓦楓檉火著僧留坐忽覩逋翁

况別一號

軸歌始覺詩魔辜負我花飛飛雪霏霏三珠樹曉珠纒

纍妖狐爬出西子骨雷車椽破織女機憶昔鄱陽寺中  
見一碣逋翁詞分逋翁札庾翼未伏王右軍李白不知  
誰擬殺別別若非仙眼應難別不可說不可說離亂亂  
離應打折

冬末病中作二首

冬風吹草木亦吹我病根故人久不來冷落如丘園  
龍與摩詰吁歎非不聞顧惟年少時未合多憂懃風鍾  
遠孤枕雪水流凍痕空餘微妙心期空靜者論

胸中有一物，旅拒復攻擊。向下還上來，唯疑是肺石。山  
童頑且小，用之復何益。教洗煮茶鐺，雪團打鄰壁。宛轉  
無好姿，喪回更何適。庭前早梅樹，坐見花盡碧。屋老多  
鼠窠，窗卑一本缺露山脊。近來胸中物，已似輸藥力。微吟  
復微吟，依稀似莊舄。

遇葉進士

文章擬真宰，儀冠冷如薜。山寺偶相逢，眼青勝山色。氣  
隆多慷慨，語淡無他力。金繩殘果落，竹閣涼雨滴。自媿

龍鍾人見此冲天翼

寄杜使君

清辰捲珠簾盥漱香滿室杉松經雪後別有精彩出琅  
函芙蓉書開之向堦日好鳥常解來孤雲偶相失有時  
作章句氣概還鮮逸茫茫世情世誰人愛真實清高慕  
玄度宴默攀道一殘磬隔風林微陽解冰筆亦知休明  
代諒無經濟術門前九箇峯終擬為文乞

寄高員外

冷冽蒼黃風似劈雪骨冰筋滿瑤席庭松流汗相抵禦  
霜絮重裘火無力孤峯地鑪燒白櫪龐眉道者應相憶  
倏忽維陽歲云暮寂寥不覺成章句惟應將寄藥珠宮  
人一作禪刹雲深一來否

書陳處士屋壁二首

有叟傲堯日髮白肌膚紅妻子亦讀書種蘭清溪東

處士

有種  
蘭篇

白雲有奇色紫桂含天風即應迎鶴書肯羨於洞洪

高步前山前高歌北山北數載賣甘橙山貨近云足



新詩不將出往往僧乞得唯云李太白亦是偷桃賊吟  
狂鬼神走酒醞天地昊青芻生堦除擷之束成束

對月作

今人看此月古人看此月如何古人心難向今人說古  
人求祿以及親及親如之何忠孝為朱輪今人求祿唯  
庇身庇身如之何惡木多斜文斜文復斜文顛室何紛  
紛

山茶花

風裁日染開仙圃  
百花色死猩血謬  
今朝一朵墮堦前  
應有看人怨孫秀

上孫使君

三十九句  
缺一字

聖主得賢臣  
天地方交泰  
恭惟嶽精粹  
多出於昭代  
君侯握文鏡  
獨立塵埃外  
王演俗容儀  
崔陵小風概  
馨香擁蘭雪  
峻秀高嵩岱  
嵇松領歲寒  
莊劔無龍澤  
威稜玉霜直  
匠石金槌大  
詩穿明月珠  
道拍安期背  
中興鸞鳳集  
直道風雲會  
萬卷似無書  
三山如歷塊  
德乎天所縱

清矣誰堪對有法在朝端無塵到冠蓋具瞻從密勿旦  
夕調鼎鼐為君整衢尊為君戢蕃塞豈知吾后意憂此  
毗陵最親手賜彤弓蒼生是繫賴下車鄰寇散是物冰  
壺內龔遂喪廉平次公太繁碎袴襦砧動地父母歌闋  
闋雪鑱戈鋌非煙遶旌旆寧思子產冰宵羨任棠薤  
忽如春再來不獨天重戴昂藏海嶠鶴冷碧仙庭檜物  
物動和氣家家有新態芙蓉開帟幕錦帳無纖瑩鼓角  
穿凍雲恩波動耕耒奸回改精魄禮教書紳帶必于堯

舜日還似房杜輩野人有章句格力亦慷慨若不入丘  
門世間更誰愛

哭靈一上人

一公何不在空有遠公名共說岑山路今時不可行舊  
房松更老新塔草初生經論傳緇侶文章遍墨鄉禪林  
林幹折法宇棟梁傾誰俊修僧史應知傳已成

行路難

君不見山高海深人不測古往今來轉青碧淺近輕浮

莫與交地卑只解生荆棘誰道黃金如糞土張耳陳餘  
斷消息行路難行路難君自看

不會當時

一作初

作天地剛有多般愚與智到頭還用真

宰心何如上下皆清氣大道冥冥不知處那堪頓得義

和轡義不義兮仁不仁擬學長生更容易負心

一作薪

為

鑪復為火緣木求魚應且止君不見燒金煉石古帝王  
鬼火熒熒白楊裏

君不見道傍廢井生古木本是驕奢貴人屋幾度美人

照影來素綆銀鉗濯纖玉雲飛雨散今如此繡闥雕甍  
作荒谷沸渭笙歌君莫誇不應常一作長是西家哭休說  
遺編行者幾至竟終須合天理敗他成此亦何功蘇張  
終作多言鬼行路難行路難不在羊腸裏

九有茫茫共堯日浪死虛生亦非一清淨玄音竟不聞  
花眼酒腸暗如漆或偶因片言隻字登第光二親又不  
能獻可替否航要津口譚羲軒與周孔履行不及屠沽  
人行路難行路難日暮途遠空悲歎

君不見道傍樹有寄生枝青青鬱鬱同榮衰無情之物

尚如此為人不及還堪悲父歸墳兮未朝

一作朝

夕已分

黃金爭田宅高堂老母頭似霜

一作雪

心作數支

一作枝

淚

常滴我聞忽如負芒刺不獨為君空歎息古人尺布猶

可縫潯陽義犬

一作夫

令人憶寄言世上為人子孝義團

圓莫如此若如此不遑死兮更何俟

### 泊秋江

岸如洞庭山似剡船漾清溪涼勝簟月白風高不得眠

枯葦叢邊釣師魘

嘲商客

葦蕭蕭風撼撼落日江頭何處客  
斜倚帆檣不喚人五湖浪向心中白

寄王滌

梅月多開戶衣裳潤欲滴寂寥雖無形  
不是小簪敵地虛草木壯雨白桃李赤  
永日無人來庭花苦狼籍吟高好鳥覩  
風靜茶烟直唯思萊子來衣拖五般色



上馮使君五首

撐船碧江上春日何遲遲汀花最深處拾得鴛鴦兒  
漁父無憂苦水仙亦何別眠在綠葦邊不知釣筒發  
樵叟無憂苦地仙亦何別茆屋岸花中弄孫頭似雪  
扣舷得新詩茶煮桃花水薜薜數片帆去去殊未已  
仁政無不及乳獺將子行誰家苦竹林中有讀書聲

擬

一本無  
擬字

君子有所思二首

我愛正考甫思賢作商頌我愛揚子雲理亂皆如鳳振

衣中夜起露花香  
旖旎撲碎驪龍明月珠  
敲出鳳皇五色髓  
陋巷蕭蕭風枿枿  
一作浙浙  
緬想斯人勝珪璧  
寂寥千載不相逢  
無限區區盡虛擲  
君不見沈約道佳人不在  
茲春光為誰惜

安得龍猛筆點石為黃金

西嶽龍猛大士於硯中磨藥  
點筆成金西天有龍猛金其

紫色散為

一作問  
一作向

酷吏家使無貪殘  
心甘棠密葉成翠幄

欸穎鳳不來

天地塞所以傾國傾城人  
如今如今不

可得

一作所以傾城  
人如今不可得

古塞下曲四首

一本無古字亦無四首  
二字第三首另題

古塞腥膻地胡兵聚如蠅寒鷗中髑石落在黃河水蒼  
茫邏逆城拚拚賊氣興鑄金禱秋穹還擬相憑陵

戰一作

骨踐成

一作  
化黃

塵飛入征人目黃雲

一作  
塵

忽變黑

戰鬼作陣

一作  
夜

哭陰風吼大漠火號出不得誰為天子

前唱此邊城曲

日向平沙出還向平沙沒飛蓬落軍

一作  
陣

營驚鷗去天末

帝鄉青樓倚霄漢歌吹掀天對花月豈知塞上還鄉人

日日雙眸滴清血

狼煙在陣雲匈奴愛輕敵領兵不知數牛羊復吞積巖  
冬大河枯嫖姚去深擊戰血染黃沙風吹暎天赤

鼓腹曲

我昔不幸兮遭百罹蒼蒼留我兮到好時耳聞鐘鼓兮  
生豐肌白髮却黑兮自不知東鄰老人好吹笛倉囷我  
我穀多赤餅紅鰕兮枿麩腊有酒如濁醞兮呼我弊往  
往醉倒潢洿之水邊兮人盡識孰云六五帝兮四三皇

如夔如龍兮如龔黃吾不知此之言兮是何之言兮

經曠禪師院

吾師楞伽山中人氣岸古淡僧麒麟曹溪老兄一與語  
金玉聲利泥棄唾委兀兀如頑雲驪珠兮固難價其價  
靈芝兮何以根其根真貌枯槁言樸略衲衣爛黑燒嶽  
痕憶昔十四五年前苦寒節禮師問師楞伽月此時師  
握玉麈尾報我却云非日月一敲粉碎狂性歇庭松無  
韻冷撼骨搔窗擦簷數枝雪邇來流浪于吳越一片閒

雲空皎潔再來尋師已蟬蛻蒼筍枝枯醴泉竭水檀香  
火遺影在甘露松枝月中折

師去世有甘露降于庭松

寶師往日真

隱心今日不能墮雙血

邊上作三

一作首

一本缺  
第三首

山無綠兮水無清風既毒兮沙亦腥胡兒走馬疾飛鳥  
聯翩射落雲中聲

陣雲忽向沙中起探得胡兵過遼水堪嗟護塞征戍兒  
未戰已疑身是鬼

見說青塚穴中有白野狐時時出沙磧向東而號呼號  
呼復號呼畫師圖得無

送張拾遺赴施州司戶

道之大道古太古二字為名爭莽鹵社稷安危在直言  
必歷堯堦搢諫鼓恭聞吾皇至聖深無比推席却几聽  
至理一言偶未合堯聰賈生須看湘江水君不見頃者  
百官排闥赴延英陽城不死存令名又不見仲尼遙竒  
司馬子珮玉垂紳合如此公乎公乎施之掾江上春風

喜相見畏天之命復行行芙蓉為衣勝純絹好音入耳  
應非久三峽聞猿莫迴首且吸千年羹醉巴酒

書倪氏屋壁三首

茶烹綠乳花暎簾撐沙苦筍銀纖纖窗中山色青翠粘  
主人於我情無厭

白桑紅椹鶯咽咽麵揉玉塵餅挑雪將為數日已一月  
主人於我特地切

水嬌草媚掩山路睡搓鴛鴦如畫作春光靄靄忽已暮



主人剛地不放手

續姚梁公坐右銘

并序

愚嘗覽白太保所作續崔子玉座右銘一首其詞  
旨乃典乃文再懇再切實可警策未悟貽厥將來  
又見姚崇卞蘭張說李邕皆有斯文尤為奧妙其  
于東勗婉婉乃千古之鑒戒資腴矣愚竊愛其文  
惟恨世人不能行之十得其二一日抽毫遂作續  
白氏之續命曰續姚梁公座右銘一首雖文經理

緯不逮於羣公而亦可書於屋壁云

善為爾諸身行為爾性命禍福必可轉莫慙言前定見人之得如已之得則美無不克見人之失如已之失是亨貞吉反此之徒天鬼必誅福先禍始好殺滅絕不得不止守謙寡慾善善惡惡不得不作無見貴執諂走蹙躄無輕賤微上下相依古聖著書矻矻孳孳忠孝信行越食逾衣生天地間未或非假身危彩虹景速奔馬胡不自彊將升玉堂胡為自墜言虛行偽豔殃爾壽須戒

酒腐爾腸須畏勵志須至撲滿必破非莫非於飾非過  
莫過於文過及物陰功子孫必封無恃文學是司竒薄  
患隨不忍害逐無足一此一彼諧宮合徵親仁下問立  
節求己惡木之陰匪陰盜泉之水匪水世孚草草能生  
幾幾直須如冰如玉種桃種李嫉人之惡酬恩報義忽  
己之慢成人之美毋擔虛譽無背至理恬和慈暢冲融  
終始天人之行盡此而已丁寧丁寧戴髮含齒

上盧少卿覓千文

荆山有美玉含華尚炳爛堪為聖君璽堪為聖君案草  
木潤不雕煙霞覆不散野人到山下仰視星辰畔倘或  
如粟黃保之上霄漢

謝盧少卿惠千文

廬山有石鏡高倚無塵垢晝景分煙蘿夜魄侵星斗苞  
含物象列搜照魚龍吼寄謝天地間毫端皆我有

御定全唐詩卷八百二十七